

明末野史



明末野史



初八日。以督輔瞿式耜生日。遣兵賜金幣。

八日。姜瓖敗沒於大同。

袁韜武大定等。誘殺楊展。遂據嘉眉。

明年春。葛佐明倚九溪之險草。糾眾與袁韜武大定相拒。期年始定。是秋。清師尚可喜攻陷潮州。

大學士郭之奇。禮科都給事中郭朝薦。相傳殉節。

冬十月。贈何騰蛟中湘王。李成棟。寧夏王。金聲桓。南昌伯。設壇祭之。

大學士王化澄致仕。嚴起恆入直。

自黃士俊何吾騶去位。有疏未拜。而先商票擬。落旨不符。則與化澄相仇。故化澄罷去。唯起恆耐之。故得獨相。

十一月

朔。德化王被獲。遇害。

鄭芝鵬踞石榴城。清兵至。隨遁去。劉中藻在福寧。勢窮自縊。福建盡失。唯漳州汀三郡。界連江西。而延平所屬。皆處萬山中。清兵既去。德化王慈燃。路將軍。先陷大田。既破龍溪。攻順昌。將樂。十一月。清兵復陷之。王被獲。兵部尚

書羅南生等降。

十六日清入州。巡撫鄭愛陣沒於燕子窩。

副將陳勝彭昌高勝談玉等戰於白虎關俱被獲死。

十二月十二日興寧侯胡一清率粵兵數萬攻永州不克退入山。

曹志建復水陽。

并復桂陽擒清官李亨。

潮州守備郝尚文降清。

孫可望大掠貴州殺富順王平鼎。

是歲封李建捷安肅伯。

建捷北直真定人成棟養子從信豐歸守廉州。

四年庚辰正月駕在端州。

清取南雄屠之閩可義力戰而死杜永和以餘兵守清遠峽。

初六日清取韶州。

寶豐伯羅成權預遁。

賜李元胤復姓為孫。

上以成棟死難。晉元胤車騎將軍。封南陽伯。元胤力辭。詔固不許。乃勉受車騎印。而章疏多不改元銜。去冬。清以精騎破南雄韶鎮。羅成耀棄城走。元胤聲其罪。與蒼梧棄督師鎮楊大用。咸伏誅。人服其紀律。時督廣州杜永和退走海。外保瓊州。

初七日。復以王化澄為大學士。

初九日。駕發端州。十三日。命孫元胤留守。

上聞韶鎮羅成耀遁去。遂戒舟西上。

駕至德慶。

二月朔。駕在梧州。

戎政劉遠生。奏自請行守清遠峽。給事中金堡奏留駕。爭之不得。適大學士瞿式耜疏至。言粵東難得易失。且韶去肇數百里。強弩乘城。堅營固守。亦可待勤王兵至。何乃朝聞警。而夕登舟。疏再上。而蹕移德慶。向梧州矣。

下給事中丁時魁。金堡。蒙正發。詹事侍郎劉湘客。詔獄。

從御史程源奏也。大學士瞿式耜七疏救金堡等。時上至梧州。百官請修行臺。上欲以舟為家。有旨命陳邦傳統兵護駕。馬吉翔護三宮舟先行。五虎失勢。執仇者羣起。獨袁彭年以憂去。得免。時魁等奉旨逮問於梧州。昭廠衛故事。榜掠招贖以數十萬計。盡以充餉。拷訊時。惟堡大呼。二祖列宗。餘則乞哀殊甚。

十五日。清攻奉天總督劉祿。監軍御史毛養登戰死。馬進忠走靖州。

二十六日。清攻廣州。

清取惠州。

惠州總兵黃應杰。道臣李士璉。知府林宗京等。以惠州降清。執趙王由棧以獻。

三月二十四日。清破永州鐵柱關。次日破龍虎關。總兵向明高姚得仁陣沒。永國公曹志建遁。

二十八日。硃敕發內閣。榜袁彭年金堡丁時魁劉湘客蒙正發等罪於朝堂。追贓遣戍。以昭法紀。

夏四月

朔再行考選

朱士焜考選第一常州靖江縣人補吏科給事中。以代丁時魁補童雲驥御史。潘駿

觀職方主事。雲驥謝恩時伏地不能起。殞於御舟。

初八日清至黔陽。

二十日王光恩駐蹕夔聞行屯政。

清兵至柳州。典靈縣巡撫黃順祖總兵林國瑞戰死。其眾二千人被屠。

二十四日典國侯李赤心擒永州清官李茂祖。余世忠送行在誅之。

茂祖陝西布政署巡撫事。世忠鎮將也。

六月朔清入清遠峽。

清遠參將屬文龍。東寧總兵張道瀛。參將張善。南雄副將豐養志等俱降。

秋七月

朔湖南巡撫

總兵白文明。自彬桂出降於孔有德。

八月十五日御舟泊擊龍州。

在梧州之東。

自春至秋。王嚴二相隨駕。道遙河上有民謠云。漢宮秋也。昭陽愁也。起恆字。

秋治。化澄至昭陽。上與太后三宮置酒。樓船簫鼓於梧州。繫龍州之上。下起恆手書水殿二字。掛小牌於御舟前。上飲至中宵。不樂而罷。以清遠峽及惠筦閒。有敗報也。

九月。清破灌陽。知縣李過昇被獲。死。

曹志建奔恭城。

冬十月。朔。日有食之。

上不怡。嚴起恆疏請修省。

大學士瞿式耜。遣其孫昌文入覲於梧州。授昌文翰林院簡討。

十一月。駕幸藤縣。陳邦傳自潯江迎駕。

初一日。清取廣州屠之。

李元胤攜重寶入廣城。中州人亦嬰城自守。男子上城。婦女饋餉。清兵環圍城外。自八月至十一月初二日。五鼓。北門觀音山紫雲梯。遂入城。城中驚惶。相蹂踐。礮銃相擊。城門築塞難開。百萬人民盡死於內。杜永和自清遠敗後。退還瑞州。尚有兵萬人。知不能守。遂奔息平。高雷以扼高雷廉。上與太后

三宮移舟西上至藤縣。遂分為兩。陳邦傳自潯江來迎駕。諸臣與之合者。皆往右。江不入者。則入容縣溝。赴江流。陸州高化境。兵多散潰。肆行劫掠。戶部尚書吳自毓失一妾。刑部尚書毛毓祥了身遁。聞上往南寧。向交趾。及二十四土州為援。相隨有王化澄。嚴起。恆馬吉。翔。龐天壽等。陳邦傳尚據潯江為殿。後其兵尚萬餘。

初三日。清孔有德入全州。

衛國公胡一清撤守浔江兵。

初四日。孔有德犯興安。

四日有德兵至興安。次日辰刻。大舉入巖關。開國公趙印選。衛國公胡一清。寧遠伯王永祚。俱以分餉入桂榕江。空壁。武陵侯楊國棟。寧武伯馬養麟。方馳出小路。軍榕江兵來戰。而四清發使趙印選。印選已出城。城中大亂。沿道驅掠。式耜令戢之。不得。城外潰兵各鳥獸散。一清永祚從城外去。式耜衣冠危坐署中。道總督張同儼自靈川回。過江東不入。泗水過江入桂林。願與式耜同殉國。

初六日。孔有德破桂林。

劉湘客作初五日。用歷異也。

靖江王及其世子長史李

被獲。不屈死之。

留守大學士瞿式耜。兵部侍郎張同儼。被執不屈。羈於別室。

大學士王化澄。戶部尚書董天閱。廣西布政朱

俱降於清。

桂林平樂全州。東安永寧臨桂靈川興安姜寧灌陽永福恭城陽朔荔浦修

仁富州平樂昭平等十七州縣俱陷。

閏十一月十七日。留守大學士瞿式耜。兵部尚書張同儼死之。

劉湘客曰。瞿公執去。見有德公云。事已至此。一死足矣。夫復何言。有德雅重公。安於別所。防衛嚴而不失禮焉。公賦詩與張公賡和。邏卒得公與胡一清書。知公死心社稷而志未灰也。十七日辰刻。請公出。公笑謂張公曰。我二人多活了四十日。今日事畢矣。張公亦謂曰。今日得死所矣。遂南面被害。十六日之夕。十七日之晨。雷霆冬發。遠近皆曰。徵在公也。瞿公絕命詩云。從容待

死與城亡。千古忠臣自主張。三百年來恩澤久。頭絲猶帶滿天香。時給事中
金堡已為僧。上書有德請葬二公。遂瘞北門園。

十二月。駕幸南寧。入土州。朱天麟嚴起恆。王化澄。馬吉。翔。龐天壽等。俱從行。
擢兵科給事中張起為副都御史。巡撫南寧。南陽伯孫元膺。被獲於欽州。赴廣
州。

五日之內。兩廣連陷。駕離梧州。為陳邦傅所劫。百官星散。元膺身率散兵護
蹕。趨南寧。親至南海。激舊旅。至欽州。為土兵王勝常所劫。械送廣州。見有德
不屈膝。有德不遽殺。留之以招杜永和。

是冬。高李二將。率眾數千渡瀘。自黎州出掠嘉眉。
五年。卯春正月。朔。駕在南寧。幸安隆州。

二月十五日。清取梧州。及蒼梧。藤縣。

二十五日。清取柳州。及象平。馬平。

三月。端州。羅定州。降於清。

清取高州。

高州提督李明忠。兵潰吁口。清兵追至電白縣。明忠預遁。清遂陷高州。道臣郭光祖、吳人龍、知縣文振義、副將王邦友等俱降清。

新泰伯鎮守潮州。總兵郝尚文、潮州道沈時、知府王朝鼎俱降於清。

尚文尋內附。

夏五月。秦王孫可望遣將賀九儀、總兵常榮將兵至南寧護駕。并請移蹕雲南。上亟召隨從諸臣議之。時閣臣吳貞毓、御史王光廷、徐極等勸駕幸欽州。李元胤、臣閣臣朱天麟力請幸滇。言元胤屢敗。餘眾不滿千。棲依海濱。其不足恃明矣。雲南山川險阻。雄師百萬。北通川陝。南控荆襄。亟宜移蹕。以堅可望推戴之心。以慰中外臣民之望。吳貞毓、魏光廷等堅執不可。遂寢其議。秋八月。慶國公陳邦傳與其子文水伯陳曹禹遣將至梧州。降於孔有德。潯州總兵李時方有聲、副總兵鄧景、監軍道楊兆文、潯州知府何允中俱降於清。

陳邦傳殺宣國公焦璉。

璉與邦傳有兒女戚。邦傳說降不屈。遂為所誘殺。又寧端伯茅守憲為邦傳

所賜。繳印降。守憲尋悔恨。遂卒。

冬十月。撫南昌劉文秀。率兵五萬攻保寧。不克。文秀自鎮入蜀。與韋韜武大定等相距數月。

十四日。靖南侯于大海。率兵於荊州降於清。

大海初據夔州之巫陽。為孫可望所敗。故降。

定川侯李占春被執。

占春偽降。即為僧遁去。尋復被執。

是歲永州諸生鄧光遠。不屈死之。

孫可望殺大學士楊畏知。

畏知故衡湘道也。永歷改元擢部院。是年入覲安隆。晉大學士。還滇。可望忌而殺之。

六年。春正月。

朔。駕在安隆州。

二月二十五日。吳三桂破嘉定州。總兵白文選預遁。

清杜繼茂兵入欽州。開國公趙印選預遁。

杜永和守瓊州降清。

三月初八日。湖北晝晦。大風揚沙。至持燭而行。官軍復沅州。又復平遠衛藍田縣。

清破佛圖關。遂陷重慶。

夏四月二十日。清入敘州。總兵王俊臣白文選退守永寧。故四提學任佩弦降於吳三桂。

十一日。德州雨雹。大者如瓜。殺三人。沈漕舟一。

十三日。清殺南陽伯孫元胤。安肅伯李建捷。

元胤聞杜永和之降。慟哭三日。夜清遂殺之。投尸江中。時前鋒將周彩。安肅伯李建捷亦成棟養子。與元胤義兄弟也。建捷嘗從杜永和先登廣州。敗走蒼梧。與元胤同護蹕。亦隨海內。欽州作難。已登舟出海。聞元胤被執。遂願與同死。

十八日。官軍復清州。擒斬總兵楊國勳。

二十一日。孫可望自靖州率眾攻湖南。清帥沈永忠遣張國柱禦戰。可望擊敗。

之。

六月。荆江侯張光璧朝行。在封沅國公。

晉馬進忠鄂國公。

吳三桂破石泉縣。巡撫詹天顏及曹洪等俱被獲。

天顏福建人。

秋七月。庚午朔。復寶慶。

初四日。安西王李定國。平東王孫可望。復桂林。孔有德。陳邦傳。曹盛。祖祕。希孔。承先。孫龍。孫廷世。董英。袁道先等。伏誅。

可望自行。在出寶。定國帥偏師。輕騎。扼有德於桂林。旬日下數十城。有德自刎死。獲其幼子。置軍中。至十三年己亥春。殺之。

十一日。庚辰。黃霧四塞。

復永州。

擒斬清將紀國相鄧盾。昌。姚杰等數十人。

八月十六日。復夷陵。

十八日。建極殿大學士朱天麟。卒於廣南府。予祭葬。廕一子中書舍人。謚文靖。
孫可望敗清於靖州。

可望駐長沙善化縣。

博興侯張月降於清。

九月。清再取梧州。

杜永和張月執提督李明忠降於清。

詔授文日章為攸縣知縣。

吳三桂兵至龍安邊堡。

冬十月。撫南王劉文秀攻保寧。不克。

文秀自綿州出攻保寧。十日。吳三桂至。文秀撤圍退。

十二月十三日。官軍復衡州。擒清辰州總兵徐勇。及劉升祚等。

十九日。清兵至湘潭。馬進忠退守寶慶。

二十三日。清再取衡州。

總兵馬 敗死。

十二月初五日。清取藤縣。總兵羅超戰沒。再陷賀縣。
二十九日。清兵入平樂縣。平彭俊陣歿。

是歲。封莫宗文安仁伯。

七年。癸春正月。朔。駕在安隆州。

二月。李定國馬進忠兵入永州。

二十八日。永州陷。李定國走龍虎關。

孫可望駐靖州。總兵馮壯力駐奉天。

清師耿繼茂破廉州。道臣王道光被執死。

道光江西庚午舉人。初任雲南太和知縣。

三月。武陵侯楊國棟。安仁伯莫宗文。攻常德不克。

十七日。孫可望禦清兵於周家堡。敗回寶慶。

安西王李定國敗於肇慶。退駐柳州。

夏四月。郝尚文復以潮州內附。斬清知府薛信辰。

五月。封楊時清征定侯。